



LJEKARSKA – LIJEČNIČKA KOMORA KANTONA SARAJEVO

Ul. Sprečanska 5/III , Sarajevo

Na osnovu Člana 29. Statuta Ljekarske – Liječničke Komore Kantona Sarajevo (daljem tekstu: Komora), člana 30. Pravilnika o odgovornosti članova Komore, Upravni odbor Komore na sjednici održanoj dana 16.09. 2020. godine donio je:

POSLOVNIK O RADU SUDA KOMORE

Član 1.

Poslovnikom o radu Suda Komore (u daljem tekstu: Poslovnik) utvrđuje se rad Suda Komore kao nezavisnog organa Komore.

Član 2.

Sud Komore je prvostepeni organ koji odlučuje o povredi dužnosti i/ili ugleda ljekarskog-liječničkog zvanja, u skladu sa Pravilnikom o odgovornosti članova Komore.

Član 3.

Sud Komore u skladu sa Statutom Komore ima osam (8) članova koga čine predsjednik/ca, zamjenik/ca predsjednika/ce i šest (6) članova Komore.

U slučaju da predsjednik/ca Suda Komore ne može vršiti funkciju, obavljat će je zamjenik/ca predsjednika/ce.

U slučaju spriječenosti predsjednika/ce i zamjenika/ce predsjednika radom Suda Komore predsjedava jedan od članova/ca Suda Komore kojeg/ju odredi predsjednik/ca Suda Komore.

Član 4.

Predsjednik/ca Suda Komore i zamjenik/ca predsjednika/ce Suda Komore bira se na prvoj sjednici Suda Komore između izabраниh članova Suda Komore.

Član 5.

Predsjednik/ca Suda komore dužan/a je po prijemu spisa Disciplinske komisije najkasnije u roku od tri (3) dana imenovati Vijeće od tri (3) člana koje čine predsjednik/ca Suda Komore i dva (2) člana.

Imenovano Vijeć dužano je u roku od dvadeset (20) dana od dana imenovanja donijeti i objaviti odluku u prisutnosti stranaka.

Vijeće Sud Komore može raditi i odlučivati kada su prisutni svi članovi Vijeća Suda Komore.

Odluka Vijeća Suda Komore punovažna je ako je za istu glasala nadpolovična većina ukupnog broja imenovanih članova Vijeća Suda Komore.

Član 6.

Odlukom, zahtjev za pokretanje postupka utvrđivanja povrede dužnosti i/ili ugleda ljekarskog zvanja može biti odbačen kao neblagovremen i neuredan ili odbijen u cijelosti ili djelimično kao neosnovan ili osumnjičeni proglašen odgovornim za povredu dužnosti i/ili ugleda ljekarskog zvanja koji mu se zahtjevom za pokretanje postupka utvrđivanja povrede dužnosti i/ili ugleda ljekarskog zvanja stavlja na teret, u kom slučaju će sadržavati i odluku o disciplinskoj mjeri.

Odluka će se objaviti i kad osumnjičeni i nadležni tužilac nisu prisutni njezinom objavljivanju.

Izvornik Odluke nakon vijećanja i glasanja unosi se u zapisnik, bez navođenja kako je pojedini član Vijeća Suda Komore glasao, a zapisnik o vijećanju i glasanju odlaže u kovertu koja se odmah zatvara i pečati. Ovu kovertu nije ovlašten da otvori bilo koji organ, izuzev Suda Komore.

Član 7.

Prilikom određivanja vrste i težine disciplinske mjere propisane Pravilnikom o drugostepenom disciplinskom postupku pred Ljekarskom – Liječničkom Komorom F BiH, Vijeće Sud Komore je dužan cijeniti sve okolnosti propisane zakonom, Statutom Ljekarske – Liječničke Komore Sarajevo, Statutom Ljekarske – Liječničke Komore F BiH i Kodeksom medicinske etike i deontologije.

Član 8.

Najkasnije u roku od osam (8) dana po objavljivanju Odluke, njezin pisani otpравak će se dostaviti strankama u postupku .

Član 9.

Protiv odluke Suda Komore dopuštena je žalba u roku od petnaest (15) dana od dana prijema pisanog otpравka iste Sudu Ljekarske – Liječničke Komore Federacije BiH.

Žalba se podnosi Sud Komore u dovoljnom broju primjeraka za Sud Komore i stranke u postupku.

Sud Komore u roku od osam (8) dana od dana prijema žalbe dostavlja žalbu na odgovor strankama u postupku koje mogu u roku od tri (3) dana dostaviti odgovor na žalbu.

Sud Komore dužan je u roku od osam (8) dana po prijemu odgovora na žalbu ili po proteku roka za davanje odgovora na žalbu, prije dostavljanja žalbe Sudu Ljekarske – Liječničke Komore F BiH istu ispitati u skladu sa Pravilnikom o drugostepenom disciplinskom postupku pred Ljekarskom – Liječničkom Komorom F BiH i istu u daljem roku od osam (8) dana dostaviti Sudu Ljekarske – Liječničke Komore F BiH.

Član 10.

Ovaj Poslovnik stupa na snagu danom donošenja.

Broj: 1208/2020

U Sarajevu 16.09.2020. godine.

Predsjednica Upravnog odbora



Prim. dr. Sabina Radulović